

Zeitschrift: Bündner Schulblatt = Bollettino scolastico grigione = Fegl scolastic grischun

Herausgeber: Lehrpersonen Graubünden

Band: 65 (2003-2004)

Heft: 6: Impulse für den Unterricht

Rubrik: Pagina rumantscha

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 20.08.2025

ETH-Bibliothek Zürich, E-Periodica, <https://www.e-periodica.ch>

Intervesta

cun Gianmarco Spreiter, Trin Digg, seminarist 2. OS (cuort avon la patenta)

Il Fegl scolastic ha vuliu saver da Gianmarco Spreiter, seminarist dalla 2. OS, tgei ch'el patratga da sia clamada sco scolast, co el vesa siu avegnir professiunal e tgei ch'el manegia dalla scolaziun ch'el ei sin finir. Cun Gianmarco ha Martin Mathieu discurriu.


1. GMS Ti fas uss il davos praticum seo seminarist. Tgei plai e tgei plai buca vid la lavur da scolast?

Jeu lavurel fetg bugen ensemens cun affons. Els ein fetg sincers e dian agradora tgei ch'els patratgan. Cumparegliau cun outras professiuns survegnel jeu sco scolast pli exacts «feedbacks». Sche l'instrucziun ei liungurusa, fan ils affons directamein da saver quei a mi. Els van buca tiel cussegli da scola a comunicar quei, mobein dian ei a mi. Ils affons emprendan en scola caussas ch'els vegnan a duvrar pli tard ella veta. Il fetg ch'jeu astgel mussar ad in affon da quintar, scriver, leger e schizun semuentar, motivescha mei da dar scola.

Tgei che plai buc a mi vid la lavur da scolast ei la rolla da polizist. Co jeu hai viu els praticums, han ils affons adina pli paucas retenentschais; els fan buca ils pensums, sedeporan per part impertinent enviers il scolast/la scolasta ni ein aggressivs enviers auters affons. Ils scolasts vegnan sfurzai da far controllas da pausa, observar meglier ils affons duront las lecziuns, contollar adina ils pensums da casa e far discussiuns culs geniturs. Quellas caussas demotiveschan mei propi da dar scola!

2. Co vesas ti tiu avegnir professiunal?

Suenter il seminari less jeu studegiar sport all'uni giu Basilea. Scolast da sport ei dapi la scola secundara mia finamira ed ord quei motiv sundel jeu insumma vegnius sin l'idea da fa il seminari scolastic sco basa professiunal. Cun quei che la recruta cuozza ussa 21 jamnas, stoss jeu stuschar per in onn il studi da sport. En quei onn dess jeu bugen scola en fuorma da substituziuns, per buca piarder il contact tier quell-a professiun.



3. Sche ti miras anavos sin il temps da seminari; co ei la preparazion sin la veta professiunala stada? Tgei para a Ti bien – nua muchentas Ti certas caussas ella scolaziun?

Tgei che para a mi bien ei il sistem dalla scolaziun pratica. Duront il seminari superieur havein nus giu relativamein biars praticums en differentas regiuns e sin differentas modas. En mintga praticum havein nus exercitau certas caussas ed essan aschia sesviluppai pass per pass. Cun quei ch'il diember ed il cuoz dils praticums ei adina vegnius pli gronds, essan nus buca vegni fieris ell'aua freida, mobein havein giu la pusseivladad da far atras il process dil scolar tiel scolast. Nus havein era simulau ed analisau discours da presentaziun per ina plazza e seras da geniturs, tgei ch'jeu hai quittau fetg bien.

Tgei ch'jeu criticheschel vid il seminari ei ch'ins prepara nus tenor mei buc avunda per las caussas elementaras dalla metodica dall'instrucziun. In auter punct negativ ei che nus havein buca empriu endretg il niev sistem digl attestat. Quei stuess in scolast giuven saver sch'el entscheiva in plazza!

4. Tgei «tenor» visavi la professiun da scolastA aud'ins en vossa classa?

En nossa classa aud'ins differentas caussas. Biars ein fetg motivai e selegran per la plazza, auters han suenter differents praticums avunda ed ein aunc buca segirs sch'els vulan insumma dar scola. Jeu sai

Das 23. Münchner Schulblatt
Weltfußballturnier steht

denton buca co ei tuna ussa, suenter il secund praticum grond. La veglia da dar scola dependa en mintga cass fetg dils menturs. Vegnan quels da motivar ils praticants, influenescha quei fetg igl avenir professiunal da quels.

5. Ei semuossa adina puspei che scolastAs giuvens fan buna lavur culs scolars mo han magari difficultads da seconversar cun geniturs e Cussegli scola? Co vesas ti quei? E co essas vegni preparai per quei?

Sco detg havein nus simulau discours da presentaziun e seras da geniturs. Nus havein denton mai empriu co seconservar cun geniturs ni cul cussegli da scola. Ei fass in grond avantag sche nus discuressen sur quei en scola e survegnessen tips. Jeu patratgel oravontut vid tips pertuccont la preparazion per discours da geniturs.